

Statement given in Chamber, in commemoration of ‘World Youth Skills Day’ 2025

Chairperson of the Media, Youth, Sports and Culture Committee (MYSCC) Hon. Wavel Woodcock

Mr. Speaker,

Ozordi, lemonn pe mark "World Youth Skills Day", en zour ki'n ganny proklanme par United Nations konman en zour pour met lanfaz lo lenportans; build capacity bann zenn, pour donn bann zenn skill, bagaz ek konpetans ki zot bezwen pour zot ganny en lanplwa, pour zot ganny en travay avek tou dignite, e osi pou empower zot pour lentreprenarya. Sa zournen i osi fer nou rapel rol enportan ki bann zenn l zwe dan batir en lekonomi soutenab e enklisiv, e konman en nasyon nou annan sa responsabilite pou fer sir ki okenn parmi nou bann zenn pa ganny kit deryer.

Mr. Speaker,

Sesel konman en pti pei leta zil, nou pa immune kont bann defi ki bann zenn l fer fas avek dan lemonn— parey presyon pour swazir en karyer ouswa rod en louvraz ki zot kontan, bann demann ki toultan pe sanze dan lemonn travay. Ouswa bezwen pour ganny gidans ek sipor dan zot demars entreprenaryal.

Me anmenmtan, Sesel l en pei beni avek bokou zenn ki annan sa volonte pou travay, pou kontribye dan nou pei, pou aprann, pou konstrir e osi pou dirize. Konman Chairman Komite Medya, Lazenés, Sport ek kiltir, mon anvi reafirm l'angazman total nou Komite e nou lasanble pou kontinyen reste en partner e advocate pou donn lanmen siport nou bann zenn— pa zis an parol, me atraver aksyon direk, e par siport bann initiativ ki pou kree loportinite pou bann zenn.

Dan sa lespri, mon kontan pou anonse ki "Public Relations Division" nou lasanble an partenarya avek MYSCC pe organize en "Youth Empowerment Session" sa Vandredi 18 Zilyet kot nou Lasanble Nasyonal.

Sa aktivite pou rasanble en group 20 zenn ant 16 a 18 an ki pou sorti dan diferan lekòl segonder. l pou en apremidi ranpli avek bann mo lankourazman e l pou enspir sa bann

zenn. Bann partisipan pou ganny sans ekout e enterakte avek en entrepreneur, en travayer ki'n perform byen, e Chairman nou komite.

Nou bi i senp, pou donn lespwar nou bann zenn, ed zot vwar ki zot annan en lavenir briyan, zot annan valer, e ki zot merit envestir dan zot fitir. Nou'n osi envit reprezantan sorti kot Minister lanplwa, ek Minister pour lentreprenarya, lenvestisman e lendistri, pour vin partaz avek bann zenn bann,

Loportinite, bann resours ek konsey pratik ki pou empower sa bann zenn.

Mr. Speaker,

Nou krwar ki bann zenn pa zis nou lavenir—me zot nou "prezan". E nou bezwen zwenn zot la kot zot ete, siport zot rev, e donn zot tou zouti ki zot bezwen pou zot avans pli devan. Sa linisyativ I en pti pa, me en pa enportan dan sa direksyon.

Annou tou konman en pep, tou nou bann dirizan, nou menm konman bann reprezante Lepep Seselwa kontinyen met lanfaz lo devlopman kapasite nou bann zenn, pa zis ozordi, me toulezour.

Mersi Mr. Speaker.